



Baika a riai n tuoaki ibukia taan kata te Pacific Engagement Visa (PEV):

Kawai ibukin kakaeen mwakuri i Australia

“Baika a riai n tuoaki” bon te beeba ae katauraoki ibukin buokaia taan kata te PEV ni katai mwakuri i Australia bwa a aonga ni boraoi ma te kainibaire ibukin kamwakuri.

Kabongana te “baika a riai n tuoaki” aio ni barongaiko raoi bwa ko aonga n onimaki raoi ina-on am tai ni katauraoi, am tai ni kata te mwakuri, ao am katauraoi imwain te mwakuri ma te maiu i Australia.



Te moan mwaneka: Katauraoa am kainibaire ibukin kakaeen am mwakuri

Tauraoi am kainibaire ibukin kakaeen am mwakuri e na bon buokiko n kabotoa am iango, n taua mwin am kekeiaki, ao kabebetia aron kakaeen te mwakuri.

- Karekei am tai ni katoa bong ke wiki ibukin am kakae mwakuri
- Bairea raoi am kouru, n aron ae kataan tabeua taian mwakuri n te bongina, ke kabanea iraua te aoa ibukin te kakaeen mwakuri
- Tautaua mwin mwakuri ake koa tia ni katai rakem iai aran te kambwana, te nakoai, ao te bong ke te tai)
- Iangoi mwakuri ake a bootau ma am konabwai, am beeba n reirei, ao maten nanom.



Te kauoua ni mwaneka: Karaoa am beeba are e kaota rongorongom (resume)

Te beeba ni kaoti rongorongom aio e na buokiko ni katebenakoko imataia taan kamwakuri ao n kabwarabwarai naba am konabwai.

- Kabonganaa te beeba n kaoti rongorongom man te PEV bwa e aonga n kakannangaki raoi am CV
- Karinani raoi mwin am mwakuri aika koa tia ni karaoi ni kabane (are ko kaboaki iai ao are ko anganano naba iai)
- Karinii am konabwai ma mwin am reirei ma am beeba n reirei
- Kariniia uoman am taan kakoaua ake ana taetae ibukim (ma araia, nakoia, aia tabo ni mwakuri ao aia meeri are a kabongana)
- Titirakina te tabo ni ibuobuoki ibukin kareke mwakuri rinanon te PEV ngkana a kona n tuoia am beeban rongorongom.





Te kateniua ni mwaneka: Kakaai mwakuri ao katai ni kanoai

Te kakaie iaon te intanete e na anganiko ngaa ma ngaa mwaitin mwakuri aika a tauraoi.

- Karaoa am kakaie nte intanete iaon iteranibaa n aron te SEEK, Indeed Australia, LinkedIn ao Australian JobSearch
- Karaoa am kauring ake ana roroko iroum rongorongon mwakuri aika a tauraoi bwa ko aonga n aki ooaki baim n taian angaraoi
- Karaoa rongorongom iaon te taian iteranibaa ni kamwakuri iaon te intanete ao kabwarabwarai iai rongorongom ae bwanin
- Tatauraoi ni kabwarabwara ae am visa iaon te PEV e anganiko te inaomata ni maeka ao ni mwakuri i Australia.



Te kaaua ni mwaneka: Katauraioiko imwain weteam bwa kona kaekai titiraki

Tauraoim raoi e na anganiko te onimaki n am konabwai ao ni kaotiko nakoia taan kamwakuri bwa ngkoe bon kaubwain naba te tabo ni mwakuri.

- Kakaiea rongorongon te kambwana ke te tabo ni mwakuri imwain am kaeka titiraki
- Reiakinikoi taian kaeka nakon titiraki aika a taabangaki
- Kamataatako iaon aron nako tein te reitaki inanon taabo ni mwakuri i Australia
- Oneiko raoi n te aro ae kakannangaki ao roko iaon te tai
- Katauraoi am titiraki aika kona tabeki nakon te tia kamwakuri.



Te kanimaua ni mwaneka: Kamatataako n inaomatam ao kakaie raoi koauan am beeba ni kateirakeaki ibukin te mwakuri

Kakaiean koauan kateirakeam nakon te mwakuri e na kona n kaotia bwa e bon koaua kateirakeam anne ao e kamanoko man kanganga ao waaki bwainikirinaki inanon am tai n mwakuri.

- Tuoa bwa ena riai ni matoa raoi kateirakeam anne ao e rinanon ana kainibaire te PEV
- Meerina am beeba ni kateirakeaki anne nakon te tabo ni ibuobuoki ibukin te mwakuri rinanon te PEV ibukin anaakin koauana
- N te tai are e tia n kakoauaaki iai ao e na roko iroum am reta ni kamatoaa mwakurim are kona katokaa iaon am beeba ni kata kariaiakam ni maeka ao ni mwakuri
- Uringa ae ngkai ko reke nte PEV, nanona iai inaomatam ni maeka ao ni mwakuri ae tii te arona ma naake bon kaain Australia.



Te kaonoua ni mwaneka: Tauraoi nakon te mwananga ao moanan te mwakuri

Maataatam raoi ma tauraoim e na buokiko ibukin rinnakoan te mwakuri ao te maiu i Australia n akea te kanganga ao n tokanikai.

- Reiakiniko aron katein te mwakuri i Australia
- Teimatoa n reitaki ma te tia kamwakuri ibukin am rokom
- Ataia bwa tabekan taian titiraki e taraaki bwa te aomata ngkoe ae rabakau, tiaki ae ko aki karinerine
- Bwaina te roko nte tai, riki n am moan bong ni mwakuri.



Uringnga bwa te ibuobuoki iaon karekean mwakuri rinanon te PEV ae akea boona e tatauraoi ni buokiko inanon am tai ni kakae mwakuri.

- Tatarai aron tein te kamwakuri i Australia
- Katomato ma taan kamwakuri ao taian mwakuri aika a tauraoi i Australia
- Katauraoiko nakon kaekaan titiraki mairouia taan kamwakuri
- Tibwai taekan taian angaraoi ni kamwakuri i Australia
- Buokiko ni katauraoiko nakon kataan te mwakuri ao karaoan am beeban rongorongom (resume)
- Katauraoai buoka aika teimatoa ibukin waakinan am mwakuri n ikotaki ma ataan te inaomata n ana tabo n kamwakuri Australia.



Karekea riki bwaninin rongorongon te buoka ibukin te kamwakuri rinanon te PEV pev.gov.au

Iaon ara itera ni baa nte intanete ao ko kona ni karekei rii kawai n ibuobuoki n ikotaki naba ma rongorongon te mwakuri. Ko kona naba ni kariniko nte reirei iaon rongorongon te mwakuri ake ana buokiko ni kakaeam am mwakuri iaon Australia.

